



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove**

Broj: 04-23-4-2892/24

Datum: 28.08.2024. godine

Služba za finansije, privredu, komunalne i inspeksijske poslove općine Tešanj rješavajući po zahtjevu Društva za proizvodnju, promet i usluge BHD d.o.o Tešanj, na osnovu člana 4. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10,1/12), člana 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj: 11/17) i člana 200. Zakona o upravnom postupku ("Sl. novine FBiH", broj:2/98, 48/99 i 61/22), d o n o s i

R J E Š E N J E

1. ODOBRAVA SE Društvu za proizvodnju, promet i usluge BHD d.o.o. Tešanj privremeno zatvaranje saobraćaja za motorna vozila u ulici Hasana Kjačije Pruščaka u Jelahu dana 29.08.2024. godine (četvrtak) u periodu od 08,00 do 15,00 sati, a radi izvođenja građevinskih radova na parceli k.č. broj: 611/14 K.O. Jelah.

2. U vrijeme zabrane, saobraćaj će se odvijati postojećim alternativnim pravcima.

3. Privremenu obustavu saobraćaja obilježiti vertikalnom saobraćajnom signalizacijom.

4. Policijska uprava Tešanj će dodatno pratiti stanje sigurnosti saobraćaja na tom dijelu općine, poduzimajući mjere sigurnog odvijanja saobraćaja i druge mjere iz svoje nadležnosti.

5. U periodu obustave saobraćaja Investitor će obezbijediti prilaz objektima duž navedene ceste.

O b r a z l o ž e n j e

Društvo za proizvodnju, promet i usluge BHD d.o.o. Tešanj podnio je zahtjev Službi za finansije, privredu, komunalne i inspeksijske poslove za privremenu obustavu saobraćaja za motorna vozila u ulici Hasana Kjačije Pruščaka u Jelahu za dan 29.08.2024. godine u periodu od 08,00 do 15,00 sati a radi izvođenja građevinskih radova na parceli k.č. broj: 611/14 K.O. Jelah.

Služba je u postupku rješavanja zahtjeva ustanovila da ne postoje smetnje za normalno odvijanje saobraćaja u periodu izvođenja radova, odnosno saobraćaj će se u navedenom periodu odvijati postojećim alternativnim pravcima.

Imajući u vidu naprijed navedeno, u skladu s članom 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj: 11/17) riješeno je kao u dispozitivu.

Na ovo rješenje naplaćena je administrativna taksa u iznosu od 50,00 KM u skladu sa tarifnim brojem 2. tačka 30. Tarife općinskih administrativnih taksa ("Službeni glasnik Općine Tešanj", broj: 1/14).

Pouka o pravnom lijeku

Protiv ovog rješenja može se izjaviti žalba Drugostepenoj općinskoj komisiji u roku od 15 dana od dana prijema rješenja.

Dostavljeno:

1. BHD d.o.o. Tešanj,
2. Policijska stanica Tešanj,
3. Web stranica općine
4. a/a



POMOĆNIK OPĆINSKOG NAČELNIKA

Amel Karahmet, dipl.oec